

INCVNÁBVLA

Qu


2680


kat. komp

L. 650^{1/2}



Jnc 2680





Friedericus Barbarossa

Inc. 2687. II

Von Ruyffra Friedericus von
Ruffra genant Barbaross
sein zu Rom nach

Langzeit das Wolffgang
Hirtel.

Procurura

Lpazg, W. Stöckel [post 1500], 40

650
Lit. niem.

H 7388

Wedde Schreiber, Manuel V (1) 15. 246
Nr. 4065 a, podobni te link z ok. r. 1512.

Inc. Qu. 2680

Bibl. Jacq.

XL. g. 9.

30. IV. 95.

8857
H 7388

H

Von Kayser Friderichen dem ersten
genant Barbaroß mit dem Rotten bart / wie er Rom erstört /
Venediger gekriegt / das heilig grab gewonnen hat / zu letzt ym
Termodon ertruncken ist .



Wie her Kayser Maximilian
Hetz das auch wil vnder stam
Venediger bringen vnder stab
Vnd gwinnen das heilig grab

BIBLIOTHECA
VNIV. IAGEL
GRACVIENSIS

Got herr almechtiger sein gewalt
Ymmer vnd ewigklich bhalt
Gots gewalt ist an anfang on end
Aber hie yn den ellend

Kain gewalt in ewigkeit bestat

Ob schön einer groß gewalt hat

Vnd bestat auch ettliche zeyt

Vnd die gantz welt bestreyt

Zulest wen er auff das höchst kompt

Vnd die hoffart gnug hat brompt

So kompt vnglucks miter beseytz

Das er gleych baldt falt von treyts

Als dan lang vor alten zeyten

Ist geschehen mit groß streyten

Groß Troia das ward erstört

Der köning Antenor was glert

Er mit groß gut vber meer schyfft

Rom durch das wart baut vnd gstyfft

Welches darnach mit gewalt vnd macht

Dye gantz welt vnder sich bracht

Durch hoffart sy dye wider verlorn

Darnach auß rotten keyseris zorn

Den man hat gnenit Barbaros

Wie wol Rom was mechtig groß

Wart democht brochen vnd erstört

In grund vnd boden vmbkört

Warumb aber das geschehen sey

Das muß ich sagen: do bey

Auß der histori wyderumb

Auß dye Venediger lumb

Das merckent all offenbar

Es ist ob funff hundert iar

Kayser Frydreych mit dem rotten bart

Satz yem für zu thun ein meerfart

In das globt land zum heiligen grab

Der Babst yem dar zu ratgab

Wie er die land solt vor bsehen

Alle sach wol erspechen

Wan er dan alles wüß ynnen
Wolt das heylig grab groynnen
Was sollen yer nun hören mer
Der Babst thet ym an groß er
Dweyl sy bey ein andien sytzen
Ketten von der sach mit witzzen
Der Babst heymlich ein maler het
Der den keyser contraset
Keyser Fryderich der zoch nun hyn
Het gar nichts böses in syn
Von dem Babst benedeyung nam
Dye yem nit wol zu stat kam
Dennocht bracht er all seyn sach auß
Wiewol er leydt menchen strauß
Zu dem heyligen grab er nan kam
Des lands kuntschafft er ein nam
Der Soldan yen nit fast wol emtpfieng
Yn vnd all seyn gefelischafft fieng
Er meint yen solt nyemt han kent
Soldan yen mit namen nent
Sprach Keyser Frydrich was thust hye
Du hettest wol gspart dye müe
Wilt mir mein land verkuntschaffen
Ich würt dich wol verhaften
Sag mir an ob es doch war sey
Der keyser reth dye warheit frey
Er sprach Soldan/ya es ist war
Ich bit dich mach mir offenbar
Wie du mich so wol erkennest
Mich bey meym namen nennes
Der Soldan sprach/dein pfaff hats thant
Ich dich gantz fur redlich han
Dye warheyt so trutzlich sagest
Vnd gefencklich nit vertzagest
Wil ich dich darumb gantz ledig lan
Doch wirst du mir noch eyn bstan
Von erst wirst du mir versprechen
Wöllest dich an yem rechen

Der Kayser schwor bey seinem Bart
Er wolt den Babst straffen hart
Weñ bey seim bart schwor Barbaroff
So was es als vil vnd groß
Als het er bey got geschwoien
Was er recht redt auß zoren
Er sprach Soldan sag mir eben
Wie byn ich dir dar geben
Er zaigt yem des Babsts hantschuffe
Wie die verretterey ward gstiffte
Vnd das tuch darauff er gmalte was
Der verrettersch bueff sagt das
Soldan/ weñ kompt ain solcher man
Den selben solt nemen an
Dan er Römischer Kayser ist
Kompt yn dein land auff dye lyst
Weñ er des lands spech wirt ynnen
Will er dir das abgwinnen
Er ist genent Kayser Frydreich
Vor dem ich dich warn trewleich
Der Kayser sprach/ so ichs verstan
So wil ich kain rwe nit han
Will wider ziehen yn das reich
Will manen all zumal gleich
Vnd dem Babst geben seinen lon
Her Soldan ich wil das thon
wilt du mich yezundt entlassen
Passieren lon all straffen
Ich wil das thun sprach der Soldan
Will dich nit gar ledig lan
Wie wol du ganz grecht warhafft bist
Deinen hergot Ihesum Christ
Wil ich han vor dir zupfand
Bhalten yn meim gwoalt vnd hant
So lang bis ich sochls bin sehen
Das dye straff ist geschehen
Vber deinen Babst zu Rom
So halt ich vom Kayser Tom

Der Keyser sprach das muß ich thon
Halt nun mir mein herngot schon
Wil dir den geben mit zieren
Nyemant soll yem anreren
Mein herrn got solt vnuerfert han
Ich wil yn nit lan verstan
In eyner monstrantz er yem gab
Das Sacrament vnd schied ab
Ober meer yn das hochtewtsch land
All fursten manet er zuhand
Darzu auch all des reychs stett
Er yem das alles kunt thet
Sein manen was nit verloien
Jen thets eben als zoren
Als dem keyser die grosse schmachy
Sye begerten all der rach
Zugen durch das bürg mit grossen heer
Mit starkem geschütz vnd gwer
Er sygt vber ganz Lombardey
Lageret sich für Rom frey
Bey seynem Bart schwor er danor
Keyn gebew muß sten enbor
Keyn steyn ganz auff andrem bleyben
Den Babst wolt er vertreyben
Er sprach ich wil ym geben bus
Auff sein nack setzen mein fuß
Also schwor er bey seinem ayd
Mein versetzten got ist leyd
Den ich dem Soldan han versetzt
Darumb dan Rom wart verlerzt
Do er sich für Rom glegert hat
Heyliger vatter sich abtrat
Traut zu Rom nit sicher zu sein
Schyfft gen Venedig hynet
In eyner andren mans gestat
Für yn Bestlichen gewalt
Als dan er von heiligen Rom zoch
Wardt zu Venedig eyn Koch

In einem kloster gar heymlich
Das wyßt nit keyser Fridrich
Für fur vnd für mit seinem heer
Kam in Rom mit grossen gwer
Den Babst er nyendart do fand
Auff grossen zorn er zuhand
Rom erstört grund bodn vmbkert
Nun habt yr das woll gehöit
Er was gantz zornig vnd verrucht
Auff zorn den Babst weyter sucht
An allen orten weyt vnd breyt
In der gantzen chriſten heit
Der zorn thet yen gar entzünden
Do er yen nit kund finden
Auff dem erdboden vberal
Wie er were in meres quall
In Venedig welschs dan hafft
Im meer: wart et verkuentschafft
Keyser Frydrich mit gutem fug
Sich für Venedig auch schlug
Als dan Lombardey gantz was sein
Lagert an das meer hinein
Den Venedigern nichts grawet
Maysters er da für bauet
Ein hohen turn auch dauor
Der was so vast hoch enbor
Auff welchem er wol mocht sehen
Sant Marren blatz: was yehen
Bey sein Bart schweren hoch dar zu
Venedig ich laß dyr kein rw
Schwor bey seinem Bart auff zorn
Auff den blatz wil ich seen korn
Sant Marren münster muß auch sein
Ein roßstalt der pferden mein
So er lang dauor ist lygen
Sye sich hoffnung nit verzygen
Sye erdachten ein falschen lyff
Bald ward von yen zugerüff

Ein schyff mit samt/seyden/bedeckt
Das des keyfers So erweckt
Der des keyfers einger Son was
Er wolt ye do ch schawen das
Das schyfflein lendet zu dem lande
Des keyfers Son ryt zuhandt
Auff das meres statt umb schalantzen
Bald in das schyff was blazzen
Dan er sach yn das schyff hynnein
Vermeint dye hubsch iunckfrawen sein
Do warens eytl iung hubisch man gmat
Gleich wie schön iunckfrawen kleit
Untern kleydern harnisch an
Do sy nun hetten den man
Sye furten ein tewers schwers fuder
Yder erwuscht ein ruder
Frawen kleyder sy nit yrten
Yn gen Venedig furten
Des keyfers Son gefangen was
Keyser Frydrich erfur das
Er ser erschraek zu den tzeyten
Sprach nun ist yzt mein streyten
Verloren vnd ganz garauf
Mein Son sitzt ym fischer hauf
Venediger hetten gfangen
Den keyser sye do mit zwangen
Schryben yem gewalticklich zu
Er solt haben frydes rw
Venedig yem dye rettersch gab
Er solt zuhand zyehe ab
Solt das thun on alles bedencken
Oder sye wolten hencken
An einen galgen seinen Son
Doch woltens ym ein er an thon
Welteer sye weyter balgen
Hencken an ein gülden galgen
Dye weyl er eins Keyfers son wer
Hört zu wunderbarlichen mer

Sye wolten mit hencen an holtz
Merckt wie warn sy so stolz
Der stolzheit yezund wirt gwent
Ja sye wirt nemen eyn end
Römischen keyser sye also bochten
Mit sein son weiß woln bochten
Dem keyser sein eing son was hieb
Wolt yem nie lon wie ein dyeb
Zencen : er must fryd geben
Damit fryst er yem sein leben
Doch wolt er nit lan verloren
Wie er vor het geschwoien
Dem Babst geben dye globten buß
Zuff sein nack setzen sein fuß
Venediger gaben das zu
Das sye gwenen frydes ru
Er schyfft in die statt mit gwalt
Sein pferdt yn das münster stalt
Macht darauß seinen rossen ein stall
Sye huben auff vberal
Das stein pflaster auff dem blat gar
Sarzen pflug vnd auch rop das
Der keyser der gryff den pflug an
Ward zu einem ackerman
Zackeret den platz kert yn vmb
Oberseed den umbed vmb
Venedig des ackers wol pflag
Verhütt den nacht vnd auch tag
Biß erwuchs zeytig ward das korn
Maximilian keyseris zorn
Soll auch heut das nit mer leyden
Vnd das korn yez abschneiden
Judieschen auch das soll begern
Yen nemen spierwel vnd kern
Jer Venediger solln sein fro
Das euch nun bleyb yez das stro
Yez thut mich ein red stechen
Einer möcht zu mir sprechen

Vnd möcht auch warlich sagen das
Es stet weder korn nach gras
Zu Venedig auff sant Marz blatz
Dan er ist ganz kal vnd glatz
Wie solt er dan werden gschnitten
Mein red solt sein vermitten
Ich gib eym antwort es sey war
Den nach funffhalbhundert iar
Ist es gesien ein schöner platz
Darauß geschehen groß schalatz
Zu antwort der mich thut nöthen
Das pflaster ist wol treten
So lang von mengem schweren man
Der den schweren gang wol kan
Auch von den beschornen bußen
Wen man seyt zwisl vnd ruben
Den acker man wol treten soll
So gerat dye frucht dest wol
Also das korn vom kayser gseyt
Ist weder gschnitten noch gmeyt
Vnder sich yn dye erde tyeff
Neun klaffter gewachsen: ich ryeff
Dem kayser: das er sich nit saum
Ich hab gehebt ain guten traum
Wie noch vnter sant Marren blatz
Lyg der aller größte scharz
Auch der köstlichest gulden schalg
Römscher kayser darumb sy balg
Das korn das ist kernig nit leicht
So es ligt in möres feuchte
O kayser Maximilian
Den gulden galgn solt yer han
Solch vbermut nit mer leyden
Nerzund yer korn dreschen schneyden
Nemen all yer reichthumb vnd er
Was soll ich nun sagen mer
Auff dye vordere red ich lend
Damit dye hystori end


In yeren Balast wart gefiert
Keyser Frydrich der was ziert
Mit seyden/samat/gulden stücken
Der Babst must sich schmücken
Der keyser hat yen erschieckt
Auff der erd lag er verdeckt
Vnder einem schön stücl samat
Keyser Fridrich zu dem trat
Zu erfüllen sein geschwornen ayd
Der yem do selber was layd
Versprach wolt yen nit verlerzen
Was seynen grechten fuß serzen
Auff das selb ort vnd an die statt
Do den vnder dem samat
Der nack des heylgen vatters lag
Volbracht wart auff disen tag
Wie er geschworen hat bey seim bart
Alle sach beredet er hart
Der heylig vatter yn seim ornat
Wie er vber altar gat
Stund auff satz sich yn einen stul
Der Keyser im zu fuß ful
Batt yn solt yem gnad verleyhen
Jem all sein sund verzeychen
Do der Keyser das begeret
Babst yn yen desß bets gweret
Absoluiert yen hieß yen auff stan
Also was die sach ergan
Keyser Fridrich der kunt nit bass
Dye schmach dye roch yem yn die nas
Venedig must er lan bleyben
Was weyter yn das reych schreyben
Auch yn die gantzen chriſtenhayt
Den es allen was groß layd
Welche es auch allesampt verletz
Das sacrament was versetzt
Behend waren all chriſten auff
Zugen hyn mit freyem lauff

Durch Vngerland vnd walachey
Kam er yn das globt land frey
Er gwan das globt land das heylig grab
Hierusalem ain konig gab
Ainen hertzog von Luttringen
Gotfrydn gnant nach den dingen
Zoch keyser fridrich weyter
Wie thut ein guter streyter
Das sacrament wider erlöft
Den Soldan er vberböft
Er gwan yem ab vil land vnd leut
Zulest zu eyner bösen zeyt
Als dye selben land sind vast heysß
Wolt vortreyben hutz vnd schweysß
Ryt yn eyn wasser macht ym tuel
Mit roß vnd harnisch dieyn siel
Im Ternodon er ertranck
Angsicht der diener versanck
¶ Layder got erbarmes.
Do muß hawbt was vndgerangen
Ward groser schad empfangen
Das chriстенlich heer mußt ziehen ab
Beuolhen ward das heylig grab
Obmeltem Hierusalem künig
Er was den heyden zur yng
Mußt von yenen balt abziehen
Auß dem globten land fliehen
Das heilig grab er wider verlor
Vnd ward gleych eben wie vor
Dye hystori also hat end
O herre got von vns chriстен wend
Alle krieg/zwoytracht vnd vnsryd
Das alle chriстенlich glyd
Vnd all fürsten eyns werden
Auff chriстенlicher erden
Ach got entzünd chriстlich fürsten
Das sy nach fryde dürsten


Gwinnen hie fride vnd auch son
 Das sy mit ain leben schon
 yeren zorn auff vnglawbig wend
 Das wir all yer land vnd end
 Gwinnen / bekere / einemen
 Sy sich auch mögen remem
 Solcher grosser redlicher tat
 Wie Kayser Fridrich than hat
 Der erst des namens der yet ziert
 Wer ist der eren der fiert ?
 Heri Kayser Maximilian
 Der wil sollich vnderstan
 Venedigern yeren gwalt brechen
 Kayser Fridrichs schmach rechen
 Er wil yn keinen weg nach lan
 Will sy machen vndertan
 Es het langest gnomen ein endt
 Wer nit gsein gross tradiment
 Ob got wil alles kein schadn bringt
 Zulestt wen er sy gar zwingt
 Dar zu auch den künig von Frankreich
 Darnach mit heiligem Romschen reich
 Mit heilgm vater Babst voraus
 Wil er mit gwalt ziehen aus
 Verlan sein land mit all seinr hab
 Vnd gewinnen das heilig grab
 Damit auff gantzer erd vberal
 werd ain hiert vnd ain schafftal
 Als geredt hat heri Ihesus chist
 Der geb die gnad lebens frist
 Heri Kayser Maximilian
 Das er sollich mög bestan. Amen.


Getruckt zu Leypstet Durch Wolffgang
 Stöckel / yn der Gymnischen gassen.











Biblioteka Jagiellońska



stdr0034510

